

序

予為寧武之明年脩郡志
成或曰創予因哉曰因何因
尔因魏侯也魏侯先予治
是邦歲月久矣以為州郡
必皆有志而寧武獨無以

其土地官守寘設方新而
前此來典郡者未之暇及
而又不可使記事之書至今
弗備於是慨然興作至廣
撫裔羅博詢區討殫里致
力守是若功之勤矣如予

以丙寅歲身為司馬佐都
少事六考者有意乎是也繼
聞魏侯屬召成業會子遷
守太原又駕車孤行遂置
渡及其明年更移寧武子
乃歛夫於其地之若召數

豈非偶然而向者之意且付
於空以及焉頃之魏侯至自
西河則以其所蒼輯者相
屬曰此雖豸郡也固亦亦
之書也子注寧武盡為我正
定与完之予受以到官發而

讀焉見其卷帙之多而記
載繁富信乎魏侯之功如此
其勤也然予特謂古者著
書尤尚體要夫即史之有所
託繫而為重者等諸禊家
環說出自議官之法已哉古

魏侯卒收堊舉而不妨無
所擇予則以言嚴以切為指
歸魏侯妻也周穆而不痛其
煩予則以經緯之宜明為律
貫魏侯於論議是吾亦亦亦
是以所存予於所決折衷

必原本乎心孔既而部以河且
宅方將召棗氏而鑄有私
念起家儒生蒙

國厚恩佩符典郡願闡於江
州勉企宣布

德意以化其剛悍質鈍之俗

庶禮義文學潛相道守不俾忘
所從於是志昭寄其旨而郡
之典法如事之具在焉所以忘
其固陋系繼魏族与成之者也
雖然事莫難於先而作始者
為功首自古言之曰宣父稱壽

討論脩飾淮色皆備然非
草創則餘無所施而侯也其
謀哉侯允自措其功勤於予
書且來復錄其所作二十六
卷寄予使存解中得並示後
來者夫荀悅劉璠劉昭歐

宋馬令陸游誌公同為一史世
固飛行之彙日者魏侯之史傳
而予得俱託以隨至後其又
幸矣夫

乾隆十五年五月望日
敬陵

周景柱書

魏志原序

郡邑之有志非古也後世作志者推原於列國之史
惟有史而王朝之記載不能遍及者可於列國之史
攷之是志同於史其宜有而不可無也爲綦重然自
禹貢職方山經海紀下迨後世之天祿石渠東觀皇
覽六典元龜諸編無不詳記事類之本末原流以資
考鏡則皆志類也而其紀天文地理風土人物沿革
政教文事武備異境古蹟則又惟寰宇輿地九域等
志爲加詳迨一統有志稱大備而極盛矣然由縣州

府志而約爲省志又由省志而約爲一統則詳者仍畧由一統而析爲省志由省志而析爲府州縣志支分派別畧者亦詳府志應在詳畧之間其勢然也今以一郡寄於寓內誠太倉之積米寧武新設之郡特梯米之一糶而況自古在昔參錯夫要荒乘除乎夷夏雖帝都冀州之北鄙而林胡樓煩實德嚮獫狁之南境傳稱代北多奇節之士然而風俗弇野文獻無稽歷考史傳惟元魏始英雄踞於此往往卽村落數十家者列爲郡縣軍府而朝更暮改曾不歷時及

齊始一併省上溯秦漢魏晉下逮唐宋元明又或紛
紜數易加以匈奴烏丸鮮卑突厥契丹韃靼瓦剌前
後侵擾殆無虛日從戎者伺敵於縛袴當事者盱食
於宵征武烈奮揚文章韜晦要未能於倥傯旁午中
詳誌此方之顛末以詒奕祀其後間出好古之儒載
筆追述什一於千百而所見所聞所傳聞又各異辭
卽至詳且悉亦惟是戍守征伐之方畧芻糈賞勞之
成模往牘如斯則今日而欲創爲府志使上下數千
年事蹟小大畢該詳要得體可備輜車之採職爲掌

故洵未易能也

元樞

末學曲儒加以簿書鞅掌顧欲

於案牘勞形之餘彙輯成篇其亦不知量矣自應留
俟後之名公大人博學君子官斯土者出緒餘而爲
之抑又奚遲然寧武改設府縣星紀再週與朔平等
朔平府志久已告成而寧武府志闕然未備倘一旦
當事者徵其典籍

國家詢及風土而覲無以應則守土之責其又何辭
抑聞之安南有志高麗有史日本有鑑海東諸國有

紀彼四裔尚知輯其典故豈

元樞

生於畿輔漫塵甲

乙曾瑛

朝班今又握符領郡者數年而於府志仍諉過前人
遙待後人倘後人而復待後人是寧武爲郡終不右
志將益使舊典埋沒新跡銷沈則今日守土之責其
又何辭是以不揣愚昧毅然創始取衷於通志參攷
於旁鄰搜討於兩鎮三關檢括於文集史冊以至廢
廟荒坵殘碑斷簡無不剔抉一事必載其原流一物
必綜其終始一名必尋其顛末不厭繁密實探根莖
蓋以志屬草創非如通都大邑之歲久重修僅據大

指摘綱領而即可開卷瞭然因端竟委者比是以寧
多毋少寧汎毋遺寧使人謂擇焉不精不欲使人語
語焉不詳且府境四屬偏志屢修而仍畧五志新舊
而未行寧武神池尚未撰志茲以府志而兼縣乘亦
不便太加刪節積而不已卷帙遂多則志也而實一
家言也凡以寧武爲新設之區故也計自庚申以迄
寅卯之歲六七年來公事稍暇輒加塗乙藁凡三月
所愧目未極數萬卷之書枵腹臧事無所取材兼之
身羈一官又未及友天下知名之士聘延就正惟聞

與四屬同事諸君及各邑讀書好古之儒往復商訂
取而覆閱頗傷繁雜幾欲付之煨燼又以曾勞心力
者業歷年所不忍廢棄眩而存之擬俟請政高明大
爲筆削後仍與同事諸君共爲刊刻俾垂久遠草創
甫就調守西河遂不果行倘名公大人博學君子繼
縮鳳城之綬欲有所觀覽纂著損益而付之剞劂是
不佞志草本不足傳而獲附於名公大人博學君子
以傳則又六七年來辛勤輯錄之厚幸也是爲序

乾隆十三年歲次戊辰八月朔日前寧武府知府

今調知汾州府事豐潤魏元樞題於西河署中之
麗澤堂

原序

乾隆十有二年夏五寧武太守同年魏君臞庵以所輯府志來質并請爲叙其爲卷一十有六爲類二十有五詞簡而該事博而核書出創始厥惟艱哉按寧武所轄凡四縣附郭曰寧武屬曰偏關曰神池曰五寨相沿爲衛所地自雍正三年始改設郡縣舊固無志君以乾隆三年來守是土搜羅採輯聞見旣博乃發凡起例經始於六年脫稿於今茲凡七年而書始成撰述若斯之勞也予嘗以部西行人其境桑麻雞

大既恬且熙城郭衢巷祠宇倉廩之屬以修以飭夜
宿鶴鳴書院固君所創以課士者聞讀書聲琅琅達
旦蓋君之政事無不具舉而志書適於是告成夫晉
北三關自鴈門而外今郡以分轄寧武偏頭居其二素
稱險要自明中葉以前寇_故言歲至泊乎末造流寇窺
寧武總戎周忠武公大呼_故檄賊力盡援絕關門殉難
節_故因地著於古爲防守要區今

國家版宇式廓四裔享王民用休息矣觀志書所紀

載而

國家控制中外規模遠其深仁厚澤之涵育可想
見也觀君之輯志而曰其宜

上德達下情使邊境之民晏然於休養生息中者又
可想見也夫山後諸州昔之爲衛所者今皆爲郡縣
其當志者獨寧武哉壽之以告守土者

賜進士出身山西分守鴈平道按察使司副使江西
新城黃祐題於使署之心水軒

國家隆盛之時矣。其象地效其
靈。品蟲草木各著其效。祥其間。忠
臣孝子義夫節婦相繼疊出。
以光盛世而應昌期。使無志以紀
之始。烏源委具在。久而湮沒無聞。
雖有好古之士。欲從而考核之。每苦

於故老之無傳典冊之莫據即

強為表彰文章可觀其於實在

事無益也蓋徵求信不修民弗

從維人心而勸風俗志之所闕豈

淺鮮哉寧武地接邊陲界於朔

漠係三晉取要之區為北門鏖論

之寄按其山川之險峻物產之煩
多人林之特出以與他郡縣不同
而魏邑初設紀載闕然躬守土
之責者安得而思所以志之第
史三長甚難得其人也今郡
周君以浙江知名士雍正七年舉

於其鄉明季試中書遂蒙

恩直

內廷官禁近其學識才華

綽乎當制作之選乾隆十三年

典郡踰歲而郡志成請序於予

予披閱例畧知纂修者周君而草

創者又前守魏君也魏君咸進士廣

備功之得不有專歸矣後之來守
是邦者按籍按圖酌斟調劑宜
民善俗或有折衷孰非周守已
以貽之然則是志來而上以副

國家分土之意下以酬遠黎仰澤
觀化之殷胥粒是在洵有得周

官之遺意矣又豈徒資詩耀也
哉因其請序爰書此以弁諸簡
端

乾隆歲在庚午嘉平上浣領侍衛
內大臣巡撫山西塞提督節制全
省軍務令陞胡廣總督兵部侍

郎兼都察院右都御史長白阿
里袞撰

君邑志之作不獨紀其山川風物
誇耀來茲而已周禮職方氏掌
天下之圖與其地以周志天下而不
變嘗邦國之志以貳大史佐大司
馬此國初邑志之所權與也凡司牧者
治蒞教士斲以宣上德而達下情

必羅其圖籍以求地形尹賦興學校
兵防一切諸政要而為之因勢利導
廉延不鑿於所施則志之闕察不重
且鉅歟晉之寧武嘗省會之小信
長城之壑我

重熙累洽運方之函煦於至仁厚

澤中者久矣。仕卷既溥，蕃育日
盛。雍正初，衛所改置郡縣。余先後
奉

命來撫。山右每巡閱，子疆按臨其境。
周覽閩山之阨塞，水泉之疏衍，風土
物產之興廢，輒念通志三閩雜

載系大略而一郡未嘗專書終虞
嗣較以遂安周守莅寧三載以通
化快百廢具瞻毅然尤以志事
為己任博攷諮定備類自郡迄縣
稟集為如子卷雖仍前魏守所
輯而更訂之能美蓋正諸事教典

郡守潘雅三所風流今以兩矣之賢
先後成一郡之志不設成見不涉阿
私參訂考互抉擇惟精在今日為
一代之成書傳之後為不刊之信史
爾君誠賢乎哉夫寧武向藝志今有
志且成善本或者山川之秀氣

人物之精靈積久不能終闕專
宥待而後歟。亦。也。予。願。樂
得而為之。為。札。階。十六年歲次。字
未正月立春日山西介守。鴈平道按
察使司。會。事。前。戶。部。郎。中。豐。紳
蘇。行。使。署。之。對。首。堂。

寧武府志例畧

志乘之書首嚴體例核而得實不誇不泛一也部
分清整類從有倫二也得記事之法詳簡適宜
三也明決擇之要妄雜悉屏四也意無私曲義
歸直筆足以傳信五也議論條理始終一貫無
相違紊六也是書雖未或能盡得其旨然皆於
六者爲準式焉

鄴初無志始作於永平魏侯卷二十六多凡十有
六帙子繼爲之卷省過半若成帙尤簡蓋魏多

因通志故有聖制巡幸兵制武事諸門而疆域
關隘驛站鹽法等亦各自爲篇然艷富而誣未
能無失今從刊并使體要秩如故剛星家雜論
周天緯度使占候不惑而分野定矣以沿革疆
域關隘并歸地紀而封畧正矣以鹽法附田賦
以驛置附武備以物產附風俗以塚墓附古跡
以忠節孝義流寓附人物則各得其類矣改武
事爲事考而巡幸征討置設詳異諸凡具在焉

總而合之則依類可觀矣一切詔令如賦六合
無闕郡中事實去其非所當載則義謹體質矣
若夫郡爲縣綱凡學校田賦武備郵傳唯志其
大餘諸細屑正不當計其數筭同於吏籍今恐
除去之視魏志非好爲異同記載之法宜然爾
夫人物名宦古跡藝文固以表麗山川增華郡國
然有則爲重而宜書無則因方面而從缺若以地
當邊塞動可相援則朔方五原雲中定襄之冠
蓋雄豪且合雁門爲一郡而起自臨洮至于遼

東昔之從軍賦詩者何必更有異地也故知探
撫衆類覈乃爲珍非是勿貴徒煩強載恐勿取
乎識者亦思免淆濫於庶幾

郡志之難尤在地分非若中州久設封畛共明加
夫名實屢更益易滋惑然正其方域通會列史
之文而精加推討則自兩漢及於元世寧武之
地某時屬某郡某縣大端畧皆可指故地紀一
篇尤多與魏志相殊蓋魏唯據通志諸書而予

自明一統志以下類知其誤而畧勿從之也

夫作述之家多所稱引不能審其是非煩於議論
忘其自相牴牾記事則重複少倫拘方則傳會
強說數者皆其失也魏志時復有是特加論辨
當不以裁正爲嫌

魏侯於是志用功至深闕七八年屬草乃定予之
竟事僅以兩月取裁魏本別爲締構汰削蕪累
者過半間亦補其缺遺第以疾行常無善步又
郡固無文獻卽欲齎油素以廣訪而莫從也或
訶其不及益成良書俾可久傳則侯後宏達君

子

軍武設府緣起

兵部等部爲遵

旨議覆事雍正三年六月內准兵部咨稱會議得山西巡撫諾疏稱設官分職務使與地方民生均有裨益方爲盡善先准部咨奉

旨將衛所歸併州縣區畫具奏欽此查各衛所原係軍籍是以設守備千總管理今軍丁沐浴

聖化安享太平務農日久地土日辟戶口日繁名雖軍籍實與民無異任斯職者當以教養爲先而武

職非其所長也卽以民情而論每遇承審則赴州
縣如逢考校則移此就彼往返跋涉實有未便請
將衛所改爲州縣撫綏庶爲親切查太原府之中
西路同知分駐寧武偏關地方遼瀾並無正印官
員而其間聽衛所地方撻越軍民混雜殊爲未協
應將中路同知西路同知並附近所官俱行裁去
將寧武關設爲寧武縣屬代州偏頭關設爲偏關
縣屬保德州庶各專其司通省衛所守備千總一

併裁汰又據署理巡撫伊疏稱衛所改設縣

詢問地方形勢人民衆寡寧武偏關二處係邊陲要地前撫臣諾止議改爲二縣恐地廣人多兵民雜處邑宰難以控制應將寧武所改爲寧武府並建寧武縣爲附郭寧化所地寔褊小應設巡檢司隸於寧武縣神池堡改爲神池縣將利民八角二堡隸焉偏關所設爲偏關縣將老營所隸焉五寨堡改爲五寨縣將三岔堡隸焉其餘附近營堡各就便分治縣總歸寧武府管轄再寧武偏關二同知只留其一改爲寧武府同知駐紮偏關彈

壓邊境又查寧武偏關各營堡令酌改郡邑則鎮
西衛亦應裁併如此則佈置得宜官民兩便等因
俱經兵部等衙門議覆准行於雍正三年五月二
十五日題二十七日奉

旨依議

纂修府志姓氏

總修

寧武知府前原府知府商濤知縣武府同知周景柱

浙江遂安人
已酉舉人

同纂

寧武府鹽捕同知李維梓

山東長山人
創監

分修

寧武縣知縣原任翰林院檢討改授周世紫

浙江山陰人
壬戌進士

寧武縣知縣都寬

湖州錢唐縣人
丙辰舉人

偏關縣知縣陸剛

浙江錢塘人
丁酉舉人

偏關縣知縣 縣覺爾布滿州正黃旗人

神池縣知縣 縣趙布魯東觀城人 托貢著習

五寨縣知縣 縣秦雄襄 江南無錫人 丁巳進士

寧武府儒學教授 張鶴山西平陸人 丁巳進士

寧武府儒學訓導 裴錫慶山西水滸人 歲貢

寧武縣儒學教授 盧鏞山西絳州人 乙丑明進

偏關縣儒學教授 陳雷敦山西絳州人 癸卯舉人

偏關縣儒學訓導 王維綱山西太寧人 歲貢

神池縣儒學訓導 楊承潯山西臨汾人

五寨縣儒學訓導王昇

儒生

經理

府

經

歷謝廷紹

浙江餘姚人

寧化

所巡

檢劉運聘

江西安義人

寧武

縣典

史徐元韶

江蘇清陽人
儒士

偏關

老營堡巡

檢張炳

浙江仁和人

偏關

縣典

史謝學鼐

江蘇盱眙人

神池

縣典

史胡自成

順天大興人

五寨

縣典

史員京生

陝西渭南人

膳錄書

史趙志寅 李燕

楊順 李寬

閻作肅 田克暘

翟化鵬 姚天錫

李天鶴 常貴

劉傑 彭續聖

府境全圖

蒙古
七



代州界

呼縣界

朔州界

朔州界

大木口

方

趙遠寨

武盛府

民利

乃河

老營堡

五眼井

將軍會



邊關圖

土默忒舊城



五城試賣古地方

天宮

水門口

濟西口

鎮邊口

滅虎口

郭爾都斯



驛路塘汎圖




御塘池大水口
長至觀見即止
共一百二十五里

寧武府



府城圖



舊城

社稷壇



屬壇



府文廟



彰明亭



明亭



文廟



文廟




嚴



南壇



府學圖



明

大


殿

名宦祠


德門


崇聖祠

魁星閣





府署圖






萬壽亭圖





陽方堡圖

卷之六



陽方山

城隍廟

文廟

關帝廟

觀音廟


觀音廟

龍王廟

教場

臺蓮臺

河概




寧化堡圖

萬佛洞

汾河

寧化堡

寧化堡



附沙源古宮

寺壽聖



樓星魁



崇化亭

延祥亭

教場



蘆芽山圖





管涔山圖

管子山圖

圖

二





汾河源


河汾

天池台壁圖

天池



卷之八



東山

池元

清真山圖



淨土庵

翔鳳山

靈巖殿

紫雲峯

三華峯


佛殿

講堂

講堂

講堂

講堂



備脚城圖

方地諸衆



勝流縣界

五



皇南川界

黑山堡


老牛灣堡

湯不瀆堡

大門口

西溝口

老營堡圖



右峯



北嶽廟



火神廟



徐家壩



真武廟



城隍廟



教場




明帝廟



樂樓

河宮

水泉堡圖






子海樓



樓溝堡圖



把總署



河

關帝廟





火神廟

教場

神池城圖

編閱圖界

朔州界

麥川

河沐遼


九姑村



黃花嶺

狗兒洞

寧武縣界





義井河

八寶堡

義井村

神池

東橋村

路頭


五寨縣界

北孔村

利民堡圖

卷三 正序 第六





鳴教

八角堡圖



卷之八



北嶽廟



揚教



湖市廟
城隍廟



界縣圖

五寨城圖



三岔堡

義井河

路節塘


動池泉



武州城

老平城

字武縣界



塘站路

河南縣界

保德州界

韓家樓

奇嵐州界

橋車梁



圖式子

別

三岔堡圖

觀音廟



廟西舍




廟東舍



去神池路

去五家路



卷之六



去保德州

馬王廟
龍王廟
龍王廟

寧武府志目錄

卷首

例畧

緣起

姓氏

府縣諸圖

第一卷

星野

地紀

古今沿革

疆域

形勢

關隘

第二卷

山川

津梁

第三卷

城池

堡寨

官署

諸公字

古廢署

第四卷

學校

書院

義學

田賦

第五卷

武備

驛置

第六卷

職官

第七卷

科目

世職 武貴

第八卷

名宦

人物

忠節 孝義 流寓

列女

第九卷

壇廟

寺觀

古跡

塚墓

風俗

物產

第十卷

事考

第十一卷

餘錄

第十二卷

藝文

寧武府志卷之一

星野

晉書鴈門入東井十六度

唐書初胃四度中昴六度終畢九度自魏郡濁漳之
北得趙國廣平鉅鹿常山東及清河信都北據中
山真定全趙之分北踰衆山盡代郡鴈門雲中定
襄之地與北方羣狄之國北紀之陽表襄山河以
蕃屏中國爲畢分循北河之表西盡塞垣皆髦頭
故地爲昴分

又曰初畢十度中參七度終東井十一度自漢之河
東上黨太原盡西河之地古晉魏虞唐耿楊霍冀
黎郇與河西戎狄之國及河曲豐勝夏州皆東井
之分

明一統志太原府禹貢冀州之域天文參井分野

三關志大同三關占畢

夫天星與郡國相屬分繫有一定者雖郡國更
遷隨時若其地常所占星終不可易世之論者
大抵謂東井屬秦主雍州昂畢屬趙魏主冀州

若使週大梁之次以候中推朔首之辰而測
代北必有議其不然者然星度有參差短長周
環旁帶之不齊郡國所值固有非其常屬而與

爲相繫故占測諸書多曰某地入某宿幾度某
地入某宿正其參差環帶上下相值而因由爲
繫者也且中古精於天者無如李淳風與僧一
行晉天文志造自淳風而唐書載一行之言備
具淳風謂鴈門郡入東井十六度一行則云鴈
門爲畢分兩人同妙於術乃其言蓋若河漢行

之占者當何所從來洪邁予以淳風爲淳風自
予論之冀州趙魏主歸舉東川秦主東井無不
識者豈淳風之妙顧反不知而重其說彼其謂
鴈門人東井者蓋從其參差環帶相籠縈者言
之耳一行所云鴈門畢分則舉其一定者且一
行不又云乎代郡鴈門雲中定襄爲畢分初畢
十度終井十一度自河東太原與西河戎敵之
國西河之濱所以限秦晉其南曲之陰在晉地
衆山之陽南曲之陽在秦地衆山之陰陰陽之

氣通故與東井并故河曲豐勝夏州皆東井分
夫雲中定襄正豐勝地既以爲畢又以爲井是
蓋言其一定又推其參差環帶者而兼明之則
與淳風所謂雲中定襄代郡皆入東井者復無
不合然則寧武之分野畧兼井畢而二宿同占
夫何疑焉

象緯辨占論云漢書言燕地尾箕之分野燕西
有代郡鴈門疑鴈門亦兼入尾箕分是蓋未常
思之夫漢書二語上下本各爲說上言尾箕之

分爲燕下則言燕亦兼有代郡鴈門地初不謂
鴈門代郡悉是燕地而其分野統入尾箕也文
本甚明無誤讀爲也

地紀

古今沿革 寧武之地在上古時無所考至殷末而
北樓煩居之當周成王世畧通中國後絕不聞
及戰國趙武靈王拓趙陞以北破走樓煩斥地自
代並陰山下至高關爲塞而地始爲趙有

魏志因通志作地表謂寧武在堯時屬冀州舜
屬并州夏殷並冀州周屬并州爲晉國夫地理
之書莫先禹貢恒山以北禹功勿及故東自嶠
夷南極梁徼西至崑崙析支渠搜之遠莫不載

乃雁陁累水絕未少見則知地本荒畧不入州
服之內明矣何以決今寧武在昔爲屬并屬冀
乎近世亭林景范二顧氏茗溪胡氏並號精地
理學然顧亭林云今石嶺關以北至豐勝二州
皆古并地胡渭云北踰塞垣抵陰山東受降城
之北皆古冀地欲借後世之輿圖証前王之疆
索詎不惑哉或者又云堯都平陽去今寧武不
過九百餘里在帝都之北爲朔方地分命和叔

宅朔方即朔方名所自昉非唯傳會失理且作

不知朔方處也

樓煩也以為子爵特孔

之說耳然雖見於王會解而汲冢戰國人僞作未足多信三關志辨其非以其獨有國號非

東晉林比獨不觀成周之會壇墠四方多變

夷君長依方而列咸有國號何獨於樓煩而異

之然其地頗廣自今大同之山陰及忻代之崞

靜樂若岢嵐州與今寧武郡皆其故處觀趙武

靈王破走樓煩攘地至陰山為塞則寧武四縣

盡在古樓煩境內可知或云偏關屬林恐非

蓋林東耳前志於周并州下首列晉國
於偏關神池二縣注云晉邊晉北境若春秋時
晉常有其地者然不知晉自悼公以前雖太原
諸處猶戎狄雜居自荀吳敗敵而後北方漸靡
孟丙始爲馬首大夫至趙氏分晉益恢北鄙雁
門以外始入於趙左氏國策分明可列由是言
之於晉何與而指爲其邊境乎或又疑高關卽
今偏關老營陰山卽大青山師古注漢書高關

山名在朔方北水經河水於渾嶺故城東臨而

東流東逕高關下史記疑北擊胡渡河取高
關據陽山陽山卽陰山與高關相距不甚遠在
廢豐州之西榆林衛之西北黃河外去偏關老
營且數百里矣若大青山本漢遼西徒河縣境
地前志所引通志三關志諸地理書多謬誤
如關志稱漢止有九州至建安中曹操始議復
十二州然十三州刺史武帝所置而勿之識也
餘率如此乃據以爲信往往未考正焉

秦旣滅趙置雁門郡自雁門以北起今大同西境包

朔平府西兼河曲縣及寧武一郡四縣皆秦時雁門郡地也

或者謂雁門及雲中代郡皆趙置又指雲中謂卽今之大同夫漢雲中在今河套內至唐始移而漸近而謂趙時卽在今大同乎况趙實無置郡事戰國蘇秦說燕稱燕西有雲中南有雁門之饒而戰國之末代尚未盡亡故燕王喜用代王嘉計殺子丹以謝秦以是而言趙又安得置郡恐所稱引並舊史之失耳夫雁門秦置

馮言之矣又引三關中路圖云寧武在秦屬太原郡夫秦使蒙驁拔趙狼孟新城等二十七城定太原郡固在雁門以北寧武何緣強屬耶

漢承秦置雁門郡其縣有崞汾陽樓煩中陵沃陽今寧武漢崞縣地也寧武之寧化漢汾陽地也今神池漢中陵地也五寨至偏關漢樓煩地偏關東北邊老牛灣水泉營滑石澗老營堡及塞垣諸境漢之沃陽地也

魏志寧武縣漢樓煩汾陽二縣地引漢志注北

山汾水所出在今樓子山西南流經寧化城入於靜樂居人傳西岸有古城遺趾久淪於河又云神池漢雁門郡中陵樓煩馬邑善陽諸縣地按漢有善無無善陽善陽乃隋縣又漢馬邑在今朔州極北且漢縣大今縣小安得以神池一縣當古四縣地乎

通志云偏關屬漢定襄郡桐過縣之南境及雁門郡中陵武

州地

其說由於不明古今輿地尤誤

夫漢定襄

郡在北雁門郡在南桐過爲定襄南境正與雁門郡之沃陽壤接水經云河南流逕定襄桐過縣西又南樹頽水注之酈元注云樹頽水流至沃陽故城西而南入於河觀此則古今地形可

曉桐過固不得越此爲今偏關北境也漢武州縣在今朔平府之平魯縣漢雁門郡武州縣在東沃陽縣在西二縣正相接今偏關東北境實

爲漢沃陽地則是明不屬武州也

觀北魏志武州縣與隋志

之雲內縣皆卽漢武州之舊其地並存今大同管內益知與偏關遠不及也魏之武周魏收云

二漢屬雁門隋雲內縣魏元
成注云有武周山白登山

又云漢之崞縣今渾源州也

亦諸家之誤

夫渾源在

漢屬代郡靈邱鹵城縣地至唐末始有渾源縣
隸應州而漢時崞縣自屬雁門太原府志亦云
崞漢之舊縣蓋漢崞縣實不在今渾源州也北
魏隋時今寧武縣並屬崞卽明初以寧武屬崞
寧化屬靜樂制猶依古云考之前世唯北魏繁
峙郡領崞山縣則今混源州是或遂誤以崞山
爲漢時崞縣而昧其由來矣

或曰今之偏關凡言地理者並稱是漢武州縣地乃獨云樓煩得毋失乎蓋子讀漢志而得之班固云樓煩有鹽官又云沃陽西部都尉治鹽澤在東北鹽澤卽唐安北都護府之胡落鹽池者是在今歸化城西蒙古部地漢時以沃陽當雁門郡最西北過此則爲定襄雲中上郡地故西部都尉治焉其故處則在今偏關北邊外以古今地理言之唐豐州正當漢沃陽縣之東北故班固云鹽池在東北矣今蒙古地漢時爲郡

縣鹽池官得主之樓煩是以有鹽官也今偏關

與五寨其所食鹽尚來從蒙古以其地相近接

則知漢之鹽官當在今偏關地而唐嵐州樓煩

郡有岢嵐軍景龍三年徙於朔方其留者號岢

嵐守捉隸大同軍今之偏關唐時實統於嵐谷

縣卽宋火山軍亦兼統偏關五寨金元時偏關

亦統於武州

卽遼武州
今五寨地

明初偏關亦鎮西衛兼

領

偏關城鎮西
衛指揮築

蓋形勢相聯本合爲一路故自

唐而下其區畫隸領猶悉循漢縣遺意是以知

五寨至偏關爲漢樓煩地也若武州縣則明時
建平鹵衛乃其故地而相過又在平鹵衛西北
均無與於偏關彼三關志通志並以東魏未及
遼與元所設之武州謬當漢縣亦未精意求之
或乃遂以偏頭關爲卽漢之武州無疑且云唐
爲河東道武州縣地夫唐河東道且無武州何
有武州縣蓋稱論愈繁愈誣且惑矣

或者云今偏頭關爲卽漢之武州塞無疑又以
五寨爲古武州塞然漢武州塞故在武州縣北

邊於後世之偏關五寨無與也蓋漢時置塞皆因山川人物爲名無苟稱者如光祿勳徐自爲築則稱光祿塞蘇武所入處則稱蘇武塞因祁連山雞鹿山則稱祁連雞鹿塞因涿邪城則稱涿邪塞因武州山故稱武州塞耳其引三關志謂嵐州之塞趙肅候所築而漢所爲武州塞也遂以漢大行王恢伏兵馬邑誘匈奴入塞若真在今時五寨地而不悟其終失者

後漢承前雁門郡省沃陽并入樓煩而中陵屬定襄

自魏初魏獻之世羌胡鈔邊郡無寧歲至建安末
魏晉之初盡徙雲中定襄朔方五原雁門諸郡之
民於塞內而棄其地郡縣虛不復設至永嘉四年
代猗盧從并州牧劉琨求得陞北棄地其後始招
集流人更置郡邑

魏志以今寧武在魏晉時屬新興晉昌郡地考
魏立新興郡乃僑置州郡之始寄治在今忻代
間不過移其民於彼地實不屬也晉之晉昌亦
唯改魏新興之號而寄治則如故蓋寧武在當

時爲棄地無所屬也

北魏恒州領代郡今神池偏關代之永固縣地也凡

四縣曰平城曰太平曰武周曰永固皆自東而西

平城其都縣也太平今左雲等地武周卽漢武州

今平魯縣地而永固則非偏關無所屬故

知今二縣在北魏時當爲永固縣地矣肆州領

秀容郡今寧武縣魏秀容郡之石城縣也隋志雁

本後魏石城縣地隋崞縣今寧化五寨秀容郡之

亦如魏兼有寧武地之半

北秀容地也

或曰今神池在後魏時當爲善無郡之沃陽縣

地然考今朔州地乃魏之沃陽耳

魏志寧武在北魏屬朔州神武郡尖山縣武川
鎮新城諸地偏關爲廣寧郡石門新城地神池
爲神武郡尖山縣境五寨屬神武郡尖山殊頰
二縣地通志云偏關北魏武川鎮南境

按北魏朔州懷朔鎮本漢朔方郡廣牧縣故地
非隋唐後之朔州也神武尖山殊頰廣寧石門
當盡在河套中唐時於北魏故朔州地置天德
軍在今榆林衛廢勝州西南元和中郡國志云武
州城在天德軍北二百里後魏六鎮從西第三

鎮也則皆與寧武相距殊遠考魏又有神武郡屬西夏州無縣而廣寧郡無新城唯吐京郡有新城縣初屬汾州後雖隸武州然武州東魏未所置實僑寄於繁峙則神武新城並是空名耳不得借之爲寧武神池五寨故地也又疑蘆葦山卽尖山所由名并云五寨有樹類水謂魏時置縣實在此至其作關隘一篇乃復云功臣公主自立州郡羈縻軍州唐宋不免寧武郡內之

尖山殊類皆同此類兩端持論先後不侔矣

通志魏後不列北齊魏志則有北齊唐宋兼列
五代夫割據一時州郡紛易無關沿革之要通
志勿列是也今亦如之而北齊後唐石晉等有
所改易並附見別條

隋屬雁門樓煩馬邑郡今寧武寧化雁門崞樓煩郡
之靜樂地今五寨樓煩之秀容地今偏關神池馬
邑郡之開陽地也

魏志云神池在隋屬馬邑之鄯陽神武二縣地
亦未然也

唐屬嵐州憲州河東道天安軍亦屬代州崞縣今五
寨偏關嵐州嵐谷地也今寧化憲州地也寧武及
神池偏關宜又皆爲天安軍地也

唐書代州註云北有大同軍西有天安軍兵志
河東道大同天安橫野軍崑嵐守捉以地理正
其方隅遠近偏關正在代州西少北當大同西
之西南故知在唐亦屬天安軍又唐有兩天安
軍一屬關內道

前志云唐屬朔州嵐州憲州北管州武州按北

管唐併入嵐州其朔州則析大同軍城置領善陽馬邑二縣無與寧武其說蓋誤於通志至云武州其誤尤甚考唐時兩武州其一在今宣化其一屬關內道在今固原平涼間而實無在山西之武州山西之武州乃遼重熙九年所置重熙遼興宗年號十年遣劉六符等使宋求周所取關南地武州之置當在此時遼史地志朔州統州一曰武州宣武軍下刺史與石敬瑭所割之武州並載志中其一曰歸化州雄武軍者卽

唐領文德縣在今宣化者也第兩武州判焉不
同而遼史於唐武州遼改歸化州者則云唐僖
宗時改毅州李克用復武州後唐明宗又爲毅
州及遼改歸化至重熙九年之武州又云唐末
所置後唐改毅州重熙中復號武州凡兩州而
共爲一說於其始末又復互殊淆亂顛倒至於
如是且唐書地志最爲精密凡郡縣更名自武
德初至大中景福天復天祐之末莫不備記卽
王處存李克用朱溫李茂貞諸所表置亦悉載

焉顧絕無改武爲毅之文是遼史尚足信乎通志承之勿能辨也亦云唐末置武州是唯知有遼史之武州而以唐大中五年置在原州蕭關者混而爲一矣若三關志謂古今有兩武州其一唐置今宣府也其一漢武州縣今偏關也然關志絕未知古今武州之名凡有五一漢武州縣則縣而非州一東魏末僑置若河北關內兩武州則唐置特俱不屬河東其在河東者乃遼置而金元皆有之關志唯昧其然乃謬以遼武

州與漢縣唐州又混而爲一故歷指由來悉論
辨之使言地輿者得曉然焉

又按遼史朔州寧遠縣北齊天保六年置招遠
縣唐改寧遠縣然唐志朔州注有長寧無寧遠
也武州統神武一縣後併寧遠爲一縣來屬寧
遠縣寧遠鎮東至朔州八十里以道里方隅較
之則今寧武神池在遼時正當爲寧遠縣地然
神武本隋縣因北魏僞置之神武郡改設神武
縣有桑乾水則地又當在寧遠極東或者以今

五寨縣有神武鎮遂謂神池五寨皆遼神武地夫五寨神池故無桑乾水第謂爲寧遠故處可耳五寨志畧云故寧遠縣在東北三十五里斯得之矣

宋隸河東路嵐州寧化軍火山軍今五寨南境宋嵐州地也今寧武之寧化宋寧化軍地也今五寨西境至偏關兼河曲宋火山軍地也今寧武東北面宋熙寧以前塞下地也

魏志寧武縣宋憲州寧化州地不知唐時無寧

化軍州故地統於憲州自北漢置寧化宋因之
以爲州縣則寧武之寧化乃自爲境壤而憲州
惟在靜樂矣雖明代寧武亦常統於靜樂然已
廢寧化爲巡檢司則與宋之設軍州者異而因
唐制之舊也 三關志謂遼史無寧武自尹憲
破遼朔州後宋終有其地魏志則以寧武屬遼
二者各得其一特皆未及深究按宋史韓魏公
言自潘美鎮河東患契丹寇鈔令民內徙而空
塞下不耕於是忻代寧化火山之北多廢壤此

皆良田今棄不耕適以資敵請距北界十里爲
禁地其南則募人墾之由魏公言觀之是宋破
朔州後寧武之地遂亦不爭宋亦不守其爲宋
棄地明矣又遼史蕭禧來議疆界宋遣沈括報
之括檢舊地界圖自黃嵬至長城僅三十里今
寧武地東西長而南北狹南北相距多不過二
十五餘里正與括所檢者合是宋熙寧已前地
果屬宋至熙寧七年後宋以分水嶺爲界割地
畀契丹而寧武東北境乃屬於遼矣宋有寧武

東北而無神池者神池爲遼寧遠縣也

金屬太原府崞縣河東北路寧化州嵐州隰州西京
路武州今寧武東南境金崞縣地西南境金寧化
州地今五寨金隰州樓煩縣嵐州嵐谷縣地今偏
關神池金武州地也

或以偏關爲金隰州然觀元尚思明魏知院碑
云移師武州之阨塞曰偏頭關則偏關屬武州
而非隰州地明矣魏志云寧偏神五四縣皆金
朔武二州地又據通志以爲寧武縣屬金朔州

鄯陽縣地考金地志朔州鄯陽縣有桑乾河有
太和嶺天池雁門關今寧武縣東北面至狹其
最遠者東北至大水口接朔州界僅三十里而
止恐不得以爲屬鄯陽縣而通志所言殆亦彷彿
失真者耳

元屬大同路武州冀寧路管州嵐州崞州地今寧武
東南境元崞州地也今寧化五寨元管嵐二州地
也今寧武西北及偏關神池元武州地也

魏志元屬河東山西道宣慰使大同路河東山

西道廉訪司冀寧路則寥濶汗漫不知所歸矣
又云至元二年割金寧邊州之半屬武州省其
半入東勝州是金之寧邊州亦在偏關界內

明隸太原府靜樂崞二縣洪武二年設太原五衛鎮
西衛隸山西都司置偏頭關後置寧武關有偏關
寧武老營八角寧化五所神池利民三岔五寨四
城今寧武縣故太原前衛左衛地今偏關縣太原
右衛鎮西衛地今神池縣太原左衛左右二所太
原前衛左前二所地今五寨縣鎮西衛地也

按漢時州縣濶遠故設部都尉居之與刺史縣令分地而治而統於牧伯唐宋之制州郡以外又有諸軍亦治其地而統於道節度宣撫使明代設衛蓋法其遺制凡衛之刑罰錢賦衛官主之各有分地與州縣等衛又有所復分衛地而治焉故寧武初時雖隸太原然實則皆衛地也自洪武初至崇禎之末寧武數百里古置州縣者皆盡廢而一變其舊此沿革之大而不可使其地無考於後故備悉而著之

地理諸家之論寧武自明代而外多有以爲唐
宋金元之時地屬朔州鄯陽馬邑等彼特以朔
州近與相接而寧武於先載籍間缺少可徵考
故約畧其辭云爾然正其方隅計其道里推之
形勢則千古之跡固有可明始乎雁門爲郡而
兩漢之樓煩崞北魏隋之秀容樓煩雁門唐宋
之嵐憲天安火山寧化金元之武州措置雖殊
名號或變要其疆理遠近配屬相維推以事理
往往如出一孔而亦不甚乖殊也故今寧武縣

明初隸靜樂。嶂蓋猶得漢之遺意。而今之偏關、
五寨、漢總爲樓煩。唐時兩縣皆統乎嵐谷。宋火
山軍亦兼有二縣。遼、金、元之武州則又顯然共
爲一路也。通志以今神池縣爲唐武州新城地。
謂後唐李克用生神武川之新城。卽此。夫唐書
明言沙陀朱邪執宜來降。詔處之鹽州。已而范
希朝鎮太原。詔沙陀舉軍從之。居之定襄。神武
川之新城。定襄。神武川在大同地境。唐置神武
軍處。且唐河東道無武州。何有武州之新城。遼

史云武州神武縣魏置晉改新城如以神武爲
曹魏所置而司馬晉改新城則其時方徙民入
塞何暇於此置縣如云元魏所置則有郡無縣
抑所謂晉改者元魏後唯石敬瑭稱晉敬瑭未
及爲帝已割山後諸州與契丹又何復改新城
之有夫遼史荒陋絕不足信通志受其悞而勿
知魏志顧且引之遂并以神武新城概入神池
古跡矣

國朝初承明制屯衛如故雍正三年始改衛所置

武府領縣四曰寧武偏關神池五寨

寧武縣改寧武所置治郡郭中以西南寧化所東
北陽方口東南盤道梁諸堡隸焉

偏關縣改偏關所置治關城以老營水泉樓溝馬
站永興諸堡隸焉

神池縣改神池堡置治神池堡城以利民八角二
堡隸焉

五寨縣改鎮西衛置治鎮西衛五所大寨堡城以
三岔堡城隸焉

疆域

寧武府在山西布政司西北三百四十里東西廣
三百二十五里南北袤二百八十里東至朔
平府朔州界二十七里又東至大同府應州界
二百二十里山陰縣界一百八十里西至太
原府崞嵐州界一百二十五里又西至保德州
界二百三十里南至代州崞縣界七里北
至水泉營邊牆界二百七十里西南至忻州
靜樂縣界一百四十里東北至朔平府平鹵

縣界二百里至老營堡邊二百二十里一
至朔平府治三百二十里至大同府治三百四十里
西北至保德州河曲縣界一百八十里一
至老牛灣蒙古界二百五十里 自府治由山西
大同府經直隸宣化府入居庸關至京師一千
四十里由代州東至易州入紫荆關至京師九
百十里

寧武縣東西廣一百六十五里南北袤二十二里
東至本縣陽方口外沙河二十七里 一
至朔州

治八十里又東至本縣辛寨等村八十里至
東馬營村一百八十五里又東至本縣靜寧堡
等村二百二十里至大同府應州治二百四
十里至山陰縣治一百八十里西由黃花
嶺張家坪至五寨縣治一百里南至本縣狼
窩村代州崞縣界七里北至黃花嶺接神池
縣界十七里至神池縣治三十里東南至本
縣柳坂泉八十五里至崞縣治一百二十里

東北至本縣大水口三十里接朔州界驛路又

接神池界西少南至忻州靜樂縣界一百四十里至靜樂縣治一百八十里西南至本縣馬房村接崞縣界一百里西北至本縣馬龍村接五寨界九十里南七里至狼窩村鳳凰鋪由崞縣赴省大道也由崞縣上陽武而東自代入紫荊關路也東十七里陽方口由朔州入京大道也西一百里至寧化堡入靜樂交城興縣諸處路也由靜樂縣凌井溝往太原徑路也北十七里至神池界往五寨偏關等

嵐河曲保德邊陲之衝路也

偏關縣在府西北一百八十里東西廣一百里南
北袤一百四十里東至本縣賈家堡一百里
至朔平府平魯縣治一百七十里西至西溝
村關河灘一里保德州河曲縣樺林營界二十
里南至本縣樓溝堡四十里至五寨縣治一
百四十里北至本縣滑石澗堡七十里至蒙
古土默特邊牆地界八十里東南至本縣永
興堡六十里至神池縣治之百五十里又三十

里至郡由郡達省共五百二十里 東北至紅
門市口邊墻九十里至本縣五眼井堡邊墻一
百里至將軍會堡外接蒙古界一百二十里

西北至老牛灣邊墻八十里 西南至河曲縣
治一百十里 東一百里達平魯縣界由朔平
大同入京路也

神池縣在府北少西三十里東西廣九十五里南
北袤一百五里 東至本縣大澗口五里至朔
州治八十里 西至官庄橋五寨縣界九十里

由橋南至五寨縣治八十里 南至黃花嶺寧

武縣界十七里由寧武界至郡三十里由郡達

省三百七十里 北至本縣乾柴溝接偏關界

九十里至偏關縣治一百五十里 東南至寧

武朔州界各五里 東北至本縣利民堡六十

里堡外葭麥川邊口接朔州界又半里 西

至本縣草菴舖接偏關界六十里 西南至本

縣小辛庄接五寨界五十里 東五里大澗口

至寧武大水口由大同達京師路也

五寨縣在府西少北一百里驛路南六十里東西
廣五十五里南北袤一百里東至本縣張家
坪三十里接神池界至神池縣治九十里南

至本縣青楊村四十里接寧武界至寧武縣治

一百里由郡達省四百四十里西至界牌村

岢嵐州界二十里至州治八十里北至本縣

深塢村七十里劉家溝八十里接偏關界至偏

關縣治一百四十里東南至本縣羊房村接

神池界三十里東北至本縣賀職村接神池

界五十里 西北至本縣韓家樓八十里由韓家樓至保德州河曲縣界七十里 西南至本縣黃土坡接岢嵐州界四十里本縣三岔堡在縣北六十里堡東十五里至官庄橋由神池遠京師路也堡西二十里至韓家樓由岢嵐保德達甘肅寧夏之路也

周髀經云大禹剡鈎服之法以測遠近高深而疆理天下凡道里曲折遙邇之間數咸得實晉裴秀序地域圖其體有六一曰分率則

計里畫方如百里五十里之謂也二曰準望
則辨審方位正四方八到之謂也三曰道里
所以定人跡經由之數四曰高下五曰方邪
六曰迂直此三者則各因地勢以檢其短長
參錯必如此而後州域廣輪之矩道里多少
之實乃可得而正非然則列爲圖經登乎地
記安自求其核而無失哉魏志所載廣袤近
遠方隅參向亦唯約畧概而言之若夫弦股
測量步勘規筭區方定畛今亦未遑故稍仍

其舊以備疆域大凡云爾

自郡郭東至朔州古稱八十里今云七十里南至崞縣界七里或云五里西至五寨縣治一百

里或云一百四十里

魏志亦兩載

北至神池縣治三

十里或云四十里西北至偏關縣治一百八十

里或云二百餘里東自代州入紫荆關至京師

九百十里或云八百四十五里官程所記行旅

所稱共此道塗爲數不一乃歎漢時亭堠計里

九詳也因列其同異而併著之按步以求當必

有得其實者

形勢關隘

夫寧武據雁門偏頭兩關之中其始未顯也至明中世而始爲要地遂稱重鎮蓋自正統己巳後虜數侵軼於是置關屯守明時統堡十二東爲大河爲陽方爲朔寧北爲神池爲大水口爲利民西北爲黃花嶺爲土棚爲義井西爲寧文爲二馬營爲西鎮而寧文又實與關城相犄角以扼西山之險嘉靖十三年都御史任洛自鵬窩梁至達達墩築邊

八里二十八步砌以石然陽方口爲西陲之隙當朔州大川之衝通忻代諸路平夷漫衍虜雖十萬騎可成列以進十八年都御史陳講乃尋王野梁廢蹟修復之東起陽方經溫嶺大小水口神池蒼麥川至八角堡悉築長城凡百八十里且築且斷因山爲險土石相半外爲濠塹二十三年都御史曾銑以邊牆高厚勿稱雁門乃復增築之三關中路之備於是始壯焉

明寧武道所轄邊界自神樹梁西至地椒峯長二

百九里零四十丈盤道梁一帶北至本邊南至元

岡口濶五十里

元岡今屬崞縣

寧武神池一帶俱北自本

邊南至忻州濶二百七十餘里利民八角一帶北

自本邊南至靜樂濶三百餘里內轄沿邊城堡二

十六沿邊墩臺一百十三極衝三十二處次衝二

十一處自神樹梁東接廣武界康溝窩正峪水口

大蓮花紫荆山小峪水口俱次衝由盤道梁而灶

君崖麻地溝金家嘴圪墹嶺燕兒水臥羊坡石家

峪八處皆極衝鵬窩梁口亦極衝由此而東西嶺

大昔嶺王野梁西溝口爲次衝朔寧堡次衝陽方

口至九龍口爲極衝自鎮城西南則寧化爲次衝

由陽方口迤北狗兒澗大水口亦極衝圪塿礮木

溝口爲極衝惟灰窰溝次衝其大小石板二溝及

石湖嶺靳家嘴皆極衝澗平口次衝而西溝堡又

極衝其邊牆一帶如灰泉梁虎頭山寨思契嶺亦

各建堡寨以資防衛自是由得勝堡而北若牛助

又灣小道塢莜麥川爲套部屢入之境皆極衝也

勒馬溝堡亦極衝蔣家峪乾柴溝雖次衝而野驢

溝之暗門長林堡之暗門石湖水口大莊窩之暗門亦皆極衝

偏頭關之地東連了角山西接黃河明初置關統堡十有八關以東爲馬站爲八柳樹爲老營東北爲小營爲水泉北爲寺塢爲滑石澗西爲確林爲樓子營爲羅圈爲楊勉爲唐會爲五花營爲得馬爲灰溝南爲永興東南爲八角爲長林大邊在關北一百二十里成化三年總兵王璽復於關北六十里起老營了角墩至老先灣築墻二百四十里號

爲二邊嘉靖九年總兵李瑾又於關東北三十里起石兒廟至石梯墩築墻七十里號爲三邊其後以時增修比之雁門寧武二關尤爲慎固蓋山西唯偏關亦稱邊外其緩急實與雁門寧武異論者謂偏頭倚大同爲蔽然虜自西北入則大同之援兵不能及况遇河凍虜人犯崞嵐靜樂多出偏關出沒明初建將屯兵首先偏關蓋以此也老營堡東接平鹵去大同不遠寇警時至使得驍將勁卒屯守則了角墩而南陽方口東西烏用紛紛哉

明尚嵐道所轄邊界自東接地椒峒界起西南至
河保營石梯隘止長三百六十三里餘二百八十
步又自石梯隘口起迤南至河曲保德抵黑峪口
止黃河東岸沿長一百一十里內轄沿邊城堡二
十六烽火墩臺四百七邊口三十九處極衝一百
二十九處次衝二十四處市堡十市口三處老營
守備界之丫角山鎮虎墩五眼井青楊峒猴兒山
衝川鎮東高山野羊窠得勝峒好漢山鎮寧墩破
虜墩臺盤梁虎尾墩莊窩平安墩東山墩鎮安墩

阻虜墩明遠墩馬頭山西溝墩拒虜墩張家峒鎮
河墩大圓峒小青山小竹峒鎮樓溝大青山小水
泉墩南海子墩共三十四所皆爲極衝水泉守備
界之兎兒窟樓利兒樓東梁亭城南墩紅門東樓
紅門隘口紅門墩皆極衝惟北窟次衝又兎兒溝
石崩臺石崩墩海子梁海子墩斬賊墩六處皆極
衝惟常梁次衝又乾柴土臺鎮羌石窟滅虜柳溝
六處皆極衝草梁山守備界之劄賊樓東坡墩驢
皮窰東坡樓東口驢皮窰中嘴西口西坡樓滅虜

樓勦虜樓楊家莊殺虎墩鎮邊青草坊鎮寧保安
鎮鎮虎草溝十七處皆極衝惟滑石將臺爲次衝
又滑石堡之東厓水門二處稱極衝而溝西石崩
小莊墩三墩皆次衝其西之常樂墩則老牛灣界
也常樂老牛灣及河兎兒溝皆爲次衝以濱黃河
天險故也自是蒲家灣口爲極衝東長嘴菲菜庄
窩沙莊窩三處皆次衝其栢林五舖口才窩嘴口
三處又爲極衝山羊口小石門又爲次衝至官河
口爲極衝小石坑口亦次衝大石坑口石岩口亦

極衝自此迤南則爲河曲樺林營

大邊墩自窩子頭起至小口子堡止共十六座明
宣德九年都督李謙築嘉靖初猶存今皆廢爲草
地在紅門口外六十里

二邊墩東接平虜衛二邊西至本城所轄老牛灣
之烽墩凡有數路一自丫角墩起至本關虎頭墩
止傳水泉營寺塢堡一路烽火一自滑石墩起至
虎頭墩止傳滑石澗老牛灣大邊一路烽火一自
楊兔墩起至虎頭墩止接西路黃河樺林營烽火

每河凍時冬
人犯樺林烽火尤煩

南路墩自本關虎頭墩起傳鎮西衛長城墩止抵
岢嵐東南接太原一路西南接汾州一路

中東路墩烽火亦自本關虎頭墩起傳八角護城
墩止直接神池寧武烽火

寧武道轄二馬營汾水嶺黃花嶺廟梁墩元岡口
及鎮城北空心磚樓各一座岢嵐道轄老營堡之
五眼井樓野羊寨樓好漢山樓鎮清樓小木泉樓
水泉營之兔兒窟乾柴樓七星樓草梁山堡之護

水樓護城樓驢皮審之東披樓黃龍池之護城樓
滅虎樓及偏關之虎頭墩樓馬站堡北梁樓永興
之舖坐山樓三岔堡韓家樓五寨堡西杏林樓砦
北小河頭樓砦西北郭家樓砦東北大辛莊樓共
一十九座樓皆磚石外圍土堡樓俱空心九洞以
遠眺望備不虞烽火時警卽收聚人畜入居其中
以資保障焉萬曆二十六年兵備趙彥議建已百
五十餘年今大半就廢

明以偏頭寧武爲太原屏蔽故築堡備極分甲

西兩路烽戍羅接視其置設若星宿相纏緯而
布奕縱橫又計馬所入而地當其要者分極
衝次衝以爲防守或因山谷之險斬崖斷棧爲
之阻塞所以拒其憑凌而禁其越軼者不爲不
嚴且密然寇且屢入者豈封守猶勿慎固而設
險之道未備至哉蓋以山西視偏頭寧武則二
關爲藩籬以二關視邊堡則邊堡已爲堂閫雖
日事修築固不能制敵之不來而遂欲恃以無
患亦安得臥鼓而弛卒耶觀夫永樂宣德之世

寇警稀少蓋河套未棄而東勝之守未移是時
偏關寧武雖邊塞乎若內地然自河套東勝之
守變而燒荒之制不行於是二關撤其屏藩而
距邊數十里外住牧者得以時至其後曾銑之
議復且於相嵩終嘉靖隆慶寇無寧歲焉所爲
知保險於內而不知制險於外昔宋南渡後識
者謂守江必先守淮卽六朝南北交爭亦必以
淮北彭城爲固知此者可與言二關之守矣雖
然若余子俊翁萬達諸公之經畫亦未可盡

其非也 國家以來中外為一 元明之竭謀致
力以重邊防者無所復事 顧險者有國之要而
明時一代措置之迹尤不可不使後人有所考
而得之若諸堡建築列魏志者附城池後俾各
以類從